



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola CXXVIII. Gregorii Papae I. Ad Italicam Et Venantivm. Conqueritur de doloribus eius, & de temporis calamitatibus, & morbis qui se, Romam, Africam, & orientem vexabant.

urn:nbn:de:hbz:466:1-15221

randa. Præterea transmisimus clauim aliam a sacratissimo beati Petri apostoli corpore, quæ cum digno honore reposita, quæque apud vos inuenerit benedicendo multiplicet.

EPISTOLA CXXVIII.

GREGORII PAPÆ I.

AD ITALICAM ET VENANTIVM.

Conqueritur de doloribus eius, & de temporis calamitatibus, & morbis qui se, Romam, Africam, & orientem vexabant.

Gregorius Italicæ patriciæ, & domno Venantio cancellario Italiæ.

QUOS DAM de Sicilia venientes, affectu quo debui de-
 sospitate vestræ excellentiæ requirere curavi. Sed de
 assiduitate ægritudinum mihi tristitia responderunt. Hæc
 autem dicens, nec ego vobis de meipso inuenio aliud
 quod debeam nuntiare, nisi quod peccatis meis exigenti-
 bus, ecce iam vndecim menses sunt quod valde rarum est
 si de lecto surgere aliquando potuero. Tantis enim poda-
 græ tantisque molestiarum doloribus premor, vt vita mea
 mihi grauissima pœna sit. Quotidie enim in dolore defi-
 cio, & mortis remedium expectando suspiro. In clero ve-
 ro huius vrbs & populo tanti febrium languores irrue-
 runt, vt pene nullus liber, nullus seruus remanserit, qui
 esse idoneus ad aliquod officium vel ministerium possit.
 De vicinis autem vrbibus strages quotidie mortalitatis
 nobis nuntiantur. Africa autem qualiter mortalitate &
 languoribus vastetur, quanto viciniore estis, tanto credo
 quod subtilius cognouistis. De oriente vero qui veniunt,
 grauiore desolationes nuntiant. In his itaque omnibus
 quia appropinquante fine mundi generalem percussio-
 nem esse cognoscitis, affligi nimis de propriis molestiis
 non debetis. Sed, sicut sapientes nobiles decet, cor omne
 ad animarum curam reducite, districtum iudicium quan-
 to fit vicinius, plus timete: studiis pietatis intendite, de
 qua scriptum est, quod promissionem habeat vitæ præ-
 sentis & futuræ: Potens est autem omnipotens Deus vi-
 tam vestræ excellentiæ & hic in longo tempore conserua-

Ioan. diac.
lib. 4. c. 67.

1. Tim. 4.

Bbbbb iij

re, & post multa annorum curricula ad gaudia æterna perducere. Dulcissimas filias meas domnam Barbaram & domnam Antoniam mea peto vice salutari. Quas oro ut superna gratia protegat, eisque prosperari in omnibus concedat.

EPISTOLA CXXIX.

GREGORII PAPÆ I.

AD DONELLVM EROGATOREM.

De prouisione Romanæ ciuitatis.

Gregorius Donello erogatori.

EPISTOLAM gloriæ vestræ plenam boni filii caritate suscepimus, ex qua quidem de molestia corporis vestri noster est animus contristatus. De diuina tamen miseratione confidimus, quod qui vos miseram & deiectam diligere fecit Italiam, ipse vobis & corporis salutem restituat, & in æterna retributione compenset. De militari enim roga, quam vos contra voluntatem vestram principali significastis iussione iterum suscepisse, omnino sumus libenter complexi: scientes quia magnitudo vestra cautiori salubriorique prouisione militari necessitati concurrat. De sex vero centenariis qui in cimeliarcho Rauennati ecclesiæ fuerant commendati, sicut vestra testatur epistola, ab excellentissimo exarcho in quotidiana militum præfectura sunt mutuati, qui ut hætenus minime restituantur, cuius sit causâ cognoscitis. Quod enim scripsistis, hoc prædicto filio nostro exarcho visum esse, ut quia pax ad conclusionem tenuit de pecuniis hinc competentibus, primum ut rogam illarum partium faciatis gloria vestra caute prospiciat, si vel fieri debet, vel sit quoquo modo præsumendum ut si præfectura illarum partium acceptas pecunias recuperare negligit, hæ partes ob hoc periculum de militis nuditate sustineant. Sed ii quibus mutuata ipsæ dicuntur pecuniæ, debent a mutuante constringi; quatenus sicut nouerunt expensâ centenaria ipsi restituant, & pecuniæ quæ sine erogantis non possunt tangi periculo, subtractæ quibus debentur, admissio quod nobis imminet periculo, minime aliis dispergantur indebite. Et hoc quidem nos nec cum nouo in causâ viro, nec Romanarum